



UNIVERSITÄTS-
BIBLIOTHEK
PADERBORN

Universitätsbibliothek Paderborn

**Illvstrivm Miracvlorvm Et Historiarvm Memorabilivm Lib.
XII**

Caesarius <Heisterbacensis>

Antverpiae, 1605

De poena Wilhelmi comitis Iuliensis, cap. 5.

urn:nbn:de:hbz:466:1-13177

Verò admirantibus, dæmonem adjurauit, & exiuit, cadasuere mox corruente ac fœtente: & intellexerunt omnes idem corpus à dæmone diu fuisse ludificatum. APOLLONIVS: Non dubito, quin dæmones valde illorum animas torqueant, quorum corpora in præsentie ludificant. CÆSARIVS: Verum dicis. Nunc reuertamur ad tormenta tyrannorum, quia hæc per occasio- nem dicta sunt.

CAPVT V.

IN villa Endenig, quæ in territorio Bonnensi est sita, miles quidam nobilis Walterus nomine habitans, erat tam domui nostræ quam ordini satis obsequiosus. Hic cum tempore quodam grauiter infirmaretur, solusque jacéret, diabolus illi ad pedes lectuli visibiliter apparuit: erat autem, sicut ipse nobis retulit, facies eius ad instar simæ disposita, cornua habens caprina: in cuius aspectu cum terneretur, postea confortatus, ait: Quis vel quid es, vnde venis, vel quid quæris? Respondit mōstrum: Diabolus sum, animam tuam tollere veni. Dicente milite: Recede lec- cator, certè animam meam nō tolles, Christo me cō- mendo. Subjunxit ille: Waltere, si mihi consenseris, homagiumque feceris, non solum incolunitati te re- stituam, quin etiam super omnem tuam progeniem reditabo. Respōdit miles: Satis habeo, de diutijs tuis fallacibus nō curo: vnde ergo tibi thesauri? Infra terminos, inquit, curiæ tuæ, infiniti occultantur. Cum quo cū miles iam loqui delectaretur, ait: Dic mihi ubi est anima domini mei Wilhelmi comitis Iuliensis nuper defuncti? Respondit diabolus: Nostri castra vici- na Wolkenburg & Drachenfels: Noui inquit. Et ille: Per fidem meam tibi dico, si ferrea essent, tam castra, quam eorum montana, & in illum locum mitteren- tur, ubi anima VVilhelmi est, antequam supercilium superius inferiori iungi posset, liquefierent. Quo di- éto, mox cachinnando subjunxit: Ardor iste, balneum lacteum ei est, in futura, quando corpus suum ani- ma resumet, tunc primùm pœnam debitam reci- piet. Requisitus de anima Henrici comitis Seynen- respon-

702 DE POEN. ET GLOR. MÖR.
respondit: Certè nos illam habemus; de pœna tamē il-
lius nihil expressit. Adjecit etiam interrogare illum
de patre suo: ad quod respondit ille: Viginti annis &
vno illum habuimus, sed monocula illa; & caluus ille
atque pediculosus, qui in solario jacet; nobis eū ab-
stulerunt, monoculam vocauit vxorem eius, qua pro
anima eius iugiter lachrymando, oculum vnum per-
diderat: caluum dixit filium eius Theodericum mo-
nachū nostrum, qui ad videndum germanum eodem
tempore aduenerat. Interrogatus verò de prædicta ma-
trona, respondit: Verè nunquam potestati nostræ ad-
dicta est, eo quod mulier bona esset ac sancta: Fratrem
autem tuum Lambertum sic sellauimus, vt nostrum
ius euadere non possit. Qui ante paucos annos defun-
ctus est, vir auarus & pecuniosus. Dicente iterum
milite: Dic mihi, de quo loco venisti nunc ad me? Re-
spondit dæmon: Ego & socij mei eramus in exequijs
cuiusdam Abbatissæ nigri ordinis, egressum animæ
eius prestatolantes. Tunc miles: Quot eratis ibi? Respo-
dit dæmon: Nostri nemus in Cottinforst? Optimè, in-
quit, noui. Et ille: Non sunt tot folia in arboribus,
quot illic fuimus congregati. Non est tam grandis sil-
ua in prouincia nostra. Et quid, ait, obtinuistis ibi? Re-
spondit: Heu nihil, femina fuit religiosa, sed & Mi-
chaël Archangelus superueniens cum fuste ferreo se-
nos cæcidit, & cædendo fugavit, vt dispergeremur,
quæadmodum puluis qui à turbine impellitur. APO-
LONIVS: Si tot dæmones congregati sunt in egressu
vnius animæ, constat innumeros esse, quia per latitu-
dinem mundi quotidie multi moriuntur. CÆSARIVS:
Licet maligni spiritus ita sint in uno loco, quod non
sint in alio; artamen tam agilis sunt naturæ, vt
uno momento diuersa transeant spatia terrarum.
Vel dici potest: quod cum fortiori numero insistant
justis morientibus, quam malis, de quibus certi sunt.
A P O L L O N I V S: Placet quod dicis. CÆSARIVS:
Requisitus etiam si esset in obitu domini Geuardi
Abbatis nostri, tunc recenter mortui; Respondit: Non
est tantum arena in littore maris, quot ibi fuimus,

fed
re p
ba
qua
no
Qu
iul
Fil
ver
ma
leg
po
lo
ti,
cu
po
re
to
su
ni
in
lo
re
vx
Si
ra
T
Q
nu
ce
m
H
re
q
tr
n
q
ta
I

sed

Fed modicum ibi obtinuimus, quia pediculosi illi, mo-
re pororum in humo iacendo grunniētes, non sine-
bant propius nos accedere: habent præterea domum
quandam susurrij (capitulum notans) in qua omnia
nobis, quæ delinquent, subtrahuntur. Et dixit miles;
Quomodo stultissime ausus fuisti ad obitum viri tam
iusti venire? Ausus, inquit: Ego præsens fui, vbi Dei
Filius expirauit, sedens super brachium crucis. Hoc
verbum a dæmone prolatum, & à laico recitatum,
maximè mihi fidem fecit dictorum, eo quod in glosa
legatur super Tobiam. Dicente Waltero: Quæ fuit Glosa.or
portio vestra in Christi morte? Respondit: Nulla, ma-
di. in c. 6.
lo nostro illic venimus, quia virtute morientis turba-
Tobid.
ti, & agitati, detrusi sumus in infernum. Multa alia
cum dæmone, quotiens solus erat, conferebat, quæ
postquam conualuit multis recitauit. Vis nunc audi-
re, qualis prædicti comitis finis fuerit & poena? APO-
LTONIVS: Etiam. CÆSARIUS: Infirmatus verò in castra
sua Niedecke, pro quadam contumelia sibi illata ve-
nit Coloniam: qui cùm rediret, in via defectum cordis
incurrit, & ait; Och nunquam de cætero video 'Co-
loniam. Cui in terram deposito, cùm medicus dice-
ret, mortem esse in ianuis, subiecit: Consulo tibi, ut
vxorem tuam recipias. Respondente illo; Non faciam.
Supplicauit ei pro quodam milite, quem diu incarce-
rauerat: Nequaquam, inquit, egredietur me viuente.
Tūc medicus; Ergo ante diem crastinum egredietur.
Quod ita factum est. Cùm verò moriturus esset, in si-
nu cuiusdam matronæ, quam viro proprio tulerat, ia-
cebat: cui cùm illa diceret; Domine, quid faciam post
mortē vestram? Iuueni, inquit, nubere debes militi.
Hæc ei verba ultima fuere. Eadem nocte, sicut mihi
retulit Abbas quidam ordinis nostri, sanctimonialis
quædam sancti Mauritij in Colonia, in loca pœnarū
transposita est, in quibus puteum magni horroris, ig-
neo tectum operculo, inter flamas vidit sulphureas: de
quo cùm suū duxorē interrogasset, respōdit ille; Duæ
tantum animæ in illo sunt, anima scilicet Maxentij
Imperatoris, & anima Wilhelmi comitis Iuliacensis.

Manē

Manè visum recitans, cū eadem die rumor insonuit
set Coloniæ de morte eiusdem comitis, visionem fuisse
verā intellexit. A ROLLONIVS: Miror, qua de causa
sociatus fuerit Maxentio in poenis, tot annis interpo-
fitis, & tot tyrannis ante ipsum defunctis? CÆSARIVS:
Propter similem culpam iustum fuit, vt qui partes erant
in culpa, conformes fierent in poena. Vtriusque
vitam noui, Maxentij ex lectione, Wilhelmi ex mul-
torum relatione: vterque tyranus, vterque supra mo-
dum luxuriosus. Sicut legitur in chronicis, nulla fuit
in vrbe Romana, siue extra vrbum, matrona tam no-
bilis, tam pudica, dummodo oculis Maxentij place-
ret, quin de domo mariti sublatam corruperet: simili-
ta faciebat de virginibus & viduis. Viderunt ista viri,
& ingemuerunt; parentes, & tacuerunt: tanta erat illi-
tus crudelitas, vt cū nimio dolore cordis afficeren-
tur, tristitia tamen dissimularentur. Tanta eius extitit
tyranis, vt paſſim Senatores, ciues, milites occideret,
de quibus aliqua habebatur suspicio. Wilhelmus ve-
rò non dissimilia operabatur his, et si non pari pote-
state, non tamen impari voluntate: sicut audiui, ita
deditus erat luxuria & incestui, vt vix aliquem habe-
ret ministerialium, cuius vxorem aut filiam non attē-
taret violare, nullam habens differentiam inter ma-
trem & filiam, inter legitimam & absolutam. Quan-
tæ fuerit circa subiectos siue prouinciales crudelita-
tis, omnis nouit episcopatus Coloniensis. Maxen-
tius vxorem propriam occidit, iste inclusit: ille per-
cutus est ecclesiam multos perfide occidendo; iste te-
pore schismatis imperij Romani persecutus est sedi
Apostolicæ obedientes, sacerdotes de suis sedibus ejiciendo,
quosdam mutilando, & bona ecclesiæ diripiendo. Hac acta sunt in temporibus Innocentij
Pape. Anno præterito canonicus quidam Aquensis
retulit mihi de eodem Wilhelmo visionem satiſ terri-
bilem: Post mortem, inquit, suam cuidam inclusæ, cui
benefecerat, visibiliter apparens, vultu lurido ac
macilento, ait: Ego sum miser Wilhelmus, quandoque
comes Iuliacenſis; quæ dū illa interrogasset de statu
suo,

Euseb.lib.
8.hist.ca
26 & li.
1 vita
Conſtan.
cap.27.

suo, respondit: Totus ardeo: & cùm leuasset vestem
viliissimam, qua indutus videbatur, mox flamma eru-
pit, sicque cum ejularu dispergit. Huic adhuc viuenti
Deus, qui misericors est, ut eum à peccatis reuocaret,
aliquid gloriae suæ ostendit. In die quadam natalis sui,
in canone prioris missæ, voces suauissimas, cum me-
lodia dulcissima, quasi in cœlo euin audire permisit,
qui mox interrogans dominum Engilbertum, tunc
maioris ecclesiæ in Colonia Præpositu, nunc Archie-
piscopum, si voces easdem audiret, & ille se audiuisse
negaret, amplius mirabatur. In canone verò secundæ
missæ, nec non & tertiaræ, easdem voces, quæ diuersæ es-
san tætatis, audiuit. Cùm hæc recitata fuissent do-
mino Hermanno Abbatu loci sancte Marie, comitem
adiit, ex ore eius, quæ dicta sunt, audiens: inuocauit
que idem comes testem Deum, nihil se mentiri, hæc
addens cum juramento: Quia si adhuc semel mihi ta-
lia concederentur audire, omnibus meis paratus es-
sem abrenunciare. Modicum tamen cœlestis hæc cō-
solatio illi profuit, peccatis eius maximis impedienti-
bus. Puteus in quem missus est comes iste, ad memo-
riam mihi reuocat pœnam cuiusdam mali sacerdotis.

CAPV T VI.

ERAT in quadam villa sacerdos quidam miser-
timus, luxuriæ & comedationibus vacans, ani-
másque sibi cōmissas omnino negligens: qui
cùm mortuus fuisset, parochiani sub eo defuncti, saxis
comprehensis, in locis infernalibus illum jactare cœ-
perunt, & dicere: Tibi commissi fuimus, tu nos ne-
glexisti, & cùm peccaremus, nec verbo neq; exemplo
reuocasti nos, tu occasio nostræ damnationis fuisti:
quem cùm agitarent, lapides post eum mitterendo, ille
in puteum cadens, nusquam comparuit. Hæc cuidam
religioso de illo sunt ostensa.

Yy

CA